



NADZORNI ODBOR KJKP „TOPLANE-SARAJEVO“ D.O.O. SARAJEVO
Broj: 01-18-06-1/22 od 28.04.2022. godine

Na osnovu člana 41. i 42. Statuta KJKP "Toplane-Sarajevo"d.o.o., (OPU-IP: 60/2016, Odluka o izmjeni i dopuni Statuta broj: 00-2-V-01/19, broj: 00-4-V-01/19, i broj: 00-06-05/21), Nadzorni odbor Odlukom broj: 01-18-06/22 od 28.04.2022.godine raspisuje

JAVNI KONKURS

**ZA IZBOR I IMENOVANJE ČLANOVA UPRAVE KJKP „TOPLANE-SARAJEVO“
D.O.O., SARAJEVO**

I-POZICIJA

Raspisuje se javni konkurs za izbor i imenovanje članova Uprave KJKP „Toplane-Sarajevo“ d.o.o., Sarajevo, sa sjedištem u ul. Semira Frašte 22, 71000 Sarajevo, (u daljem tekstu Preduzeće).

Javni konkurs se raspisuje za sljedeće pozicije:

1. Izvršni direktor tehničkih poslova
2. Izvršni direktor pravnih, općih i ekonomskih poslova

II-MANDAT

Mandat Izvršnih direktora je četiri godine i vezan je za mandat Direktora.

Položaj, ovlaštenja, odgovornosti i prava članova Uprave uređuju se ugovorom koji zaključuju sa Preduzećem.

III-OPIS POZICIJE

Uprava Preduzeća je nadležna da: organizuje rad i rukovodi poslovanjem, izvještava nadzorni odbor i druge nadležne organe o radu i poslovanju Preduzeća, provodi Statut i Etički kodeks, razmatra plan rada i poslovanja i prati njegovu realizaciju, donosi akte potrebne za provođenje postupka nabavki, daje prijedlog raspodjele dobiti, daje prijedlog načina pokrivanja gubitaka, predlaže cijene centralnog grijanja, utvrđuje strategiju zapošljavanja i otpuštanja zaposlenika u slučaju potrebe za novim ili ukidanju radnih mjesta, utvrđuje mikro organizaciju Preduzeća i sistematizaciju radnih mjesta, osigurava zakonitost rada Preduzeća, predlaže opšte akte, donosi operativne akte, procedure i uputstva, donosi poslovnik o radu, saziva skupštinu Preduzeća, imenuje predsjednika i članove komisija zavisno o procijenjenim potrebama, obavlja i druge poslove neophodne za poslovanje Preduzeća u skladu sa zakonom, podzakonskim propisima, Statutom i općim aktima Preduzeća.

Izvršni direktori organizuju rad i rukovode poslovanjem u skladu sa Statutom, organiza
i predstavljaju Preduzeće u obimu koji im odredi Direktor.



IV-USLOVI ZA IZBOR I IMENOVANJE

Kandidat mora ispunjavati sljedeće opće i posebne uslove:

IV-(A) Opći uslovi za sve pozicije:

1. Izvršni direktor tehničkih poslova,
2. Izvršni direktor pravnih, općih i ekonomskih poslova

Kandidat koji se kandiduje za bilo koju od navedenih pozicija mora ispunjavati sljedeće uslove:

1. Da je stariji od 18 godina i da nije stariji od 65 godina na dan imenovanja;(dokaz: izvod iz matične knjige rođenih)
2. Da je zdravstveno sposoban za obavljanje poslova na koje se prijavljuje;(dokaz:ljekarsko uvjerenje)
3. Da je državljanin Bosne i Hercegovine;(dokaz:uvjerenje o državljanstvu)
4. Da nije osuđivan za krivično djelo i za prekršaj nespojiv s dužnošću u upravi pet godina od dana pravosnažnosti presude, uključujući vrijeme zatvorske kazne:(dokaz:potpisana izjava kandidata ovjerena u općini ili od notara)
5. Da mu presudom suda nije zabranjeno obavljanje aktivnosti u nadležnosti uprave;(dokaz: potpisana izjava kandidata ovjerena u općini ili od notara)
6. Da ne vrši funkciju predsjednika ili člana nadzornog odbora ili uprave drugog privrednog društva ili institucije;(dokaz:pisana izjava kandidata ovjerena u općini ili od strane notara)
7. Da nije izabrani zvaničnik, nosilac izvršnih funkcija ili savjetnik koji obavlja javne funkcije u institucijama vlasti;(dokaz:pisana izjava kandidata ovjerena u općini ili od strane notara)
8. Da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini ili otpušten iz privrednog subjekta na osnovu povrede obaveza iz radnog odnosa u periodu od od tri godine od dana objavljivanja javnog konkursa;(dokaz:potpisana izjava kandidata ovjerena u općini ili od strane notara)
9. Da se na kandidata ne odnosi član IX Ustava Bosne i Hercegovine; (dokaz:potpisana izjava kandidata ovjerena u općini ili od strane notara)
10. Da ne vrši funkciju u političkoj stranci; (dokaz:potpisana izjava kandidata ovjerena u općini ili od notara)
11. Da ne postoje druge zakonske smetnje za obavljanje poslova za koje kandidat konkuriše; (dokaz:potpisana izjava kandidata ovjerena u općini ili od strane notara)
12. Da je prošao ili da se obaveže da će proći stručno usavršavanje u skladu sa Uredbom o usavršavanju predsjednika i članova nadzornih odbora i uprava privrednih društava sa



učešćem državnog kapitala. (dokaz: certifikat o završenom usavršavanju ili potpisana izjava kandidata ovjerena u općini ili od notara)

IV- (B) Posebni uslovi za svaku poziciju pojedinačno:

IV (B) 1. Posebni uslovi ZA POZICIJU POD REDNIM BROJEM 1.

1. IZVRŠNI DIREKTOR TEHNIČKIH POSLOVA

Kandidat koji se kandiduje za Izvršnog direktora tehničkih poslova Preduzeća mora ispunjavati slijedeće uslove:

1. Da posjeduje visoku stručna sprema „240 ECTS bodova“, mašinskog ili elektrotehničkog smjera, (dokaz: diploma o stručnoj spremi);
2. 5 (pet) godina radnog iskustva u struci, od čega najmanje 1 (jedna) godina na rukovodnim radnim mjestima, (dokaz: potvrda o radnom i rukovodnom iskustvu);
3. organizacione i komunikativne sposobnosti, (intervju);
4. poznavanje djelatnosti Preduzeća, (intervju);

IV(B) 2. Posebni uslovi ZA POZICIJU POD REDNIM BROJEM 2.

2. IZVRŠNI DIREKTOR PRAVNIH, OPĆIH I EKONOMSKIH POSLOVA

Lice koje se kandiduje za Izvršnog direktora pravnih, općih i ekonomskih poslova, mora ispunjavati slijedeće uslove:

1. Da posjeduje visoku stručnu sprema, „240 ECTS bodova“, pravnog ili ekonomskog smjera, (dokaz: diploma o stručnoj spremi);
2. 5 (pet) godina radnog iskustva u struci, od čega najmanje 1 (jedna) godina na rukovodnim radnim mjestima, (dokaz: potvrda o radnom i rukovodnom iskustvu);
3. organizacione i komunikativne sposobnosti, (intervju);
4. poznavanje djelatnosti Preduzeća, (intervju);

V-POTREBNI DOKUMENTI UZ PRIJAVU:

1. prijava
2. biografija sa adresom i kontakt telefon
3. kopija lične karte
4. izvod iz matične knjige rođenih
5. uvjerenje o državljanstvu
6. potpisana izjava ovjerena od općinskog organa ili notara za tačku IV-A: 4,5,6,7,8,9,10 i 11.
7. certifikat o usavršavanju ili potpisanu izjavu ovjerenu u općini ili od strane notara da će proći usavršavanje u skladu sa Uredbom o usavršavanju
8. diploma o stečenoj stručnoj spremi
9. dokaz o radnom i rukovodnom iskustvu



VI-NAPOMENA:

Kandidati koji prođu izbor dužni su na zahtjev Preduzeća dostaviti uvjerenje o zdravstvenoj sposobnosti.

Preduzeće zadržava pravo da zatraži od nadležnih oragana dokaze da kandidat nije osuđivan za krivično djelo i za prekršaj nespojiv s dužnošću u upravi pet godina od dana pravosnažnosti presude, uključujući vrijeme zatvorske kazne i da mu presudom suda nije zabranjeno obavljanje aktivnosti u nadležnosti uprave.

Prijava i biografija moraju biti osobno potpisane.

Tražena dokumentacija mora biti u originalu ili ovjerene fotokopije.

Kandidati koji uđu u uži izbor biće pozvani na intervju u roku 10 dana od dana isteka roka za podnošenje prijava.

Prijave kandidata s kojima se ne stupi u kontakt u roku od 10 dana od dana isteka roka za podnošenje prijava, neće se uzimati u razmatranje u daljem postupku izbora.

Komisija zadržava pravo provjere svih podataka, izjava i drugih dokumenata kandidata.

Prijave sa traženim dokazima dostaviti lično ili poštom na adresu:

KJKP "Toplane - Sarajevo" d.o.o., Sarajevo

Ul. Semira Frašte br. 22

71000 SARAJEVO

(sa naznakom za koju poziciju se konkuriše)

1. Izvršni direktor tehničkih poslova
2. Izvršni direktor pravnih, općih i ekonomskih poslova

Prijave na javni konkurs se podnose Komisiji za izbor i imenovanje članova Uprave Preduzeća u zatvorenoj koverti sa naznakom – NE OTVARAJ- PRIJAVA NA JAVNI KONKURS – SA NAVODENJEM TAČNE POZICIJE NA KOJU SE KONKURIŠE.

Nepotpisane, neblagovremene prijave i prijave sa nepotpunom traženom dokumentacijom neće se uzeti u razmatranje, kao ni prijave koje nisu kovertirane i adresirane na način propisan Konkursom.

Javni konkurs ostaje otvoren 15 dana od dana posljednjeg objavljivanja.

Preduzeće nije obavezno vraćati dokumentaciju dostavljenu uz prijavu.



Predsjednik Nadzornog odbora

████████████████████
Dragan Duvnjak